

# TURKSE Somertoer

**23 Mei tot 5 Junie 2026**

Kom saam op ons 14-dae avontuur na **Turkye!** Die spesiale groepstarief (insluitend lughawe- en brandstofheffings en twee etes elke dag) beloop **R46 990** per persoon.

## Reisplan

### **Dag 1: Saterdag, 23 Mei** Kaapstad → Johannesburg →

Die groot dag breek uiteindelik aan! Ons vertrek vroeegaand met **Turkish Airlines** vanaf Kaapstad en Johannesburg. Geniet die Turkse lugdiens se gasvryheid op die direkte vlug na Istanbul. Oornag aanboord na aandete.

### **Dag 2: Sondag, 24 Mei** → Istanbul → Kappadosië (middag- en aandete ingesluit)

Na 'n vroeë ontbyt land ons vroegoggend op die nuwe Istanbul-lughawe, vanwaar ons aansluitingsvlug vertrek na Kayseri te **Kappadosië**. Ons word deur ons toergids ontmoet en reis na ons spoggerig vierster hotel, waar ons die volgende twee nagte oorbly. Daar is tyd om uit te pak en 'n bietjie te rus. Om **14:00** vertrek ons na die ongelooflike ondergrondse stad Derinkuyu vir besigtiging. Christene het daar geskuiel van hul Romeinse vervolgers. Tydens ons besoek aan Kappadosië kan ons ons verwonder aan die *Fairy Chimneys*, wat uit vulkaniese rots gevorm is. Aandete om **19:00** in ons hotel.

### **Dag 3: Maandag, 25 Mei** Kappadosië (ontbyt en aandete ingesluit)

Daar is baie vroeg vanoggend 'n opsionele lugballon-toer van die omgewing. Na ontbyt besoek ons die *Goreme Valley*. Sien die *Apple Church*, *Church of Sandals* en die *Church with a Buckle*. Daarna besoek ons die *Zelve Valley* en die ongelooflike ondergrondse stad van Kaymakli. Vulkaniese berge het miljoene jare gelede vulkaniese as oor die streek uitgestrooi. Met verloop van tyd het hierdie vulkaniese as in tufa verander. As gevolg van duisende jare se verwerking het hierdie uitstortings 'n argiologiese wonder geword. Ons besoek ook Ortahisar en Avanos, voordat ons terugkeer na ons hotel vir aandete.



*Die wonderwêreld van Kappadosië*



*Antalya, aan Turkye se suidelike kusgebied*

### **Dag 4: Dinsdag, 26 Mei** Kappadosië → Tarsus → Antalya (ontbyt en aandete ingesluit)

Na 'n vroeë ontbyt vertrek ons na Tarsus, die geboorteplek van Paulus. Die geskiedkundige stad dateer uit die veertiende eeu vC! Paulus het ook die stad tydens sy tweede en derde sendingreise besoek. Geniet die pragtige kus-roete weswaarts na **Side/Antalya**, waar ons die volgende drie nagte oorbly.

### **Dag 5: Woensdag, 27 Mei** Antalya (ontbyt en aandete ingesluit)

Na ontbyt het ons die dag vry om net te ontspan langs die Middellandse See, of om die pragtige ou stad van Antalya, met sy vele interessante geboue en winkeltjies, te ontdek. Ons ontmoet weer om 19:00 vir aandete in ons hotel.

### **Dag 6: Donderdag, 28 Mei** Antalya → Perge → Aspendos → Antalya (ontbyt en aandete ingesluit)

Ons vertrek, na ontbyt, op 'n besigtigingstoer na Perge en Aspendos. Paulus het **Perge** twee maal tydens sy eerste sendingreis besoek.

Ons sien onder andere die ruïnes van Christelike kerke wat uit die vyfde eeu dateer. In **Aspendos** besoek ons een van die bes bewaarde Romeinse Amfiteaters (daterende uit die tweede eeu!). Aandete om 19:00 in ons hotel.

**Dag 7: Vrydag, 29 Mei** Antalya → Hierapolis → Pamukkale (ontbyt en aandete ingesluit)

Na 'n vroeë ontbyt vertrek ons na **Hierapolis** en besoek dié antieke stad. Dit is in hierdie antieke stad wat Filippus volgens oorlewering in 87 nC deur keiser Dominianus gekruisig is. Daar naby besoek ons ook die asemrowende warmwaterbronne van **Pamukkale**. Dit is 'n sprokieswêreld van sprankelende wit kastele! Aandete en oornag in Pamukkale.

**Dag 8: Saterdag, 30 Mei** Pamukkale → Kusadasi (ontbyt en aandete ingesluit)

Na ontbyt vertrek ons na die mooi kusedorp, **Kusadasi**, waar ons die volgende twee nagte oorbly. Ons het die middag vry om te swem of die stad te verken. Aandete om 19:00 in ons hotel.



**Pamukkale**



**Kusadasi**

**Dag 9: Sondag, 31 Mei** Kusadasi → Efese → Kusadasi (ontbyt en aandete ingesluit)

Na ontbyt vertrek ons bus na die antieke Bybelse dorp **Efese**. Ons besoek onder andere die Odeon, Biblioteek van Celsus, Hadrianus-tempel, die Agora, die Marmarstraat en die amfiteater (met sy 25 000 sitplekke!). Efese is die bes bewaarde Grieks-Romeinse stad en een van die wêreld se voorste argeologiese terreine. Ons besoek ook die *Huis van Maria*, 'n pelgrimsplek waar Maria volgens oorlewering haar laaste jare deurgebring het. Aandete om 19:00 in ons hotel.

**Dag 10: Maandag, 1 Junie** Kusadasi → Izmir → Bursa (ontbyt en aandete ingesluit)

Na 'n vroeë ontbyt vertrek ons na **Izmir** (die derde grootste stad in Turkye) vir 'n besigtigings-stop. Izmir is die ou stad Smirna, waarvan ons in Open 2:8-11 lees. Sien die strandpromenade van Kordon en die historiese markgebied van Kemeralti, wat uit die 1580's dateer. Laatmiddag arriveer ons by die stad **Bursa**, vir aandete en oornag. Bursa is veral bekend vir sy perskes, sy-handel, handdoek-vervaardiging en warmwaterbronne. Ons besoek ook die Groen Moskee in Bursa en daar is tyd vir interessante inkopies!

**Dag 11: Dinsdag, 2 Junie** Bursa → Nicea → Istanbul (ontbyt en middagete ingesluit)

Na ontbyt vertrek ons verder noordwaarts na **Nicea**, wat dateer uit die jaar 1 000 vC! In 325 is die Geloofsbelydenis van Nicea vir die Christelike kerk hier opgestel. Ons besoek die St Sophia kerk, wat dateer uit die vierde eeu. Die kerk is bekend vir sy besondere mosaïk-vloer wat dateer uit die sesde eeu.

Ons reis verder na Turkye se hoofstad, **Istanbul**, waar ons die volgende twee nagte oorbly.



**Die ruïnes van die Bybelse stad Efese**



**Istanbul se bekende Grand Bazaar**

### **Dag 12: Woensdag, 3 Junie Istanbul** (ontbyt en aandete ingesluit)

Na ontbyt ontmoet ons ons toergids in die hotel se voorportaal om ons toer van hierdie interessante stad te begin. Ons besoek onder andere die St.Sophia-kerk, die Topkapi-paleis, die Blou Moskee, Hippodrome en die interessante *Underground Cistern*.

### **Dag 13: Donderdag, 4 Junie Istanbul → Bosphorus →** (ontbyt en middagetete ingesluit)

'n Laaste dag in hierdie opwindende stad! Na ontbyt is daar tyd vir verdere besigtiging of inkopies. Maak beslis 'n draai by die *Grand Covered Bazaar*, met sy meer as 4 000 winkels!

Na ontruiming van ons hotelkamers om 12:00 vertrek ons na die hawe vir 'n heerlike bootrit op die Bosphorus. Die Bosphorus is 'n seestraat wat Istanbul in twee verdeel. Ons vaar vanaf die Goue Horing, in die ou stadsgebied, en kronkel met die Bosphorus tussen Europa en Asië deur tot digby die Swart See. Daarna het ons kans om die interessante *Spice Market* te besoek.

Om **19:00** vertrek ons per bus na die lughawe.

### **Dag 14: Vrydag, 5 Junie → Johannesburg → Kaapstad**

Ons vlugte met **Turkish Airlines** vertrek rondom middernag na Suid-Afrika. Aandete (!) en ontbyt word op die vlug bedien. Na 'n wonderlike avontuur deur **Turkye** arriveer ons terug in **Johannesburg** en in **Kaapstad**.

#### **INGESLUIT BY DIE TOERKOSTE:**

- ✓ Direkte vlugte in die ekonomiese klas met **Turkish Airways** vanaf Johannesburg of Kaapstad.. Die retoervlug van Kaapstad se koste beloop 'n addisionele **R1 850**.
- ✓ 'n Binnelandse vlug van Istanbul na Kayseri.
- ✓ Lughawebelastings en brandstofheffings vir al die vlugte.
- ✓ Luukse busvervoer met 'n professionele operateur deurentyd.
- ✓ Alle folgelde, parkeergelde en plaaslike belastings vir die duur van die toer.
- ✓ Verblyf vir elf nagte in uitgesoekte, sentraalgeleë vier-ster hotelle.
- ✓ Volle buffet-ontbyt elke oggend.
- ✓ 'n Tweede ete elke dag: tien aandetes en drie middagetes.
- ✓ Alle besigtiging (met toegangsgelde waar nodig) soos in die reisplan uiteengesit.
- ✓ Die dienste van 'n professionele Turkse toergids en ervare Suid-Afrikaanse toerleier vir die duur van die toer.
- ✓ Vir addisionele gemoedsrus is groeps-reisversekering van **TIC Europ Assistance** ook ingesluit vir alle toerlede onder die ouderdom van 76 jaar (vir diegene bo 75 jaar is daar 'n bybetaling). Dié reisversekering sluit onder

#### **LET ASSEBLIEF OP DIE VOLGENDE:**

- Die voorlopige toerkoste van **R46 990** is gebaseer op lugreisgelde en landreëlingskoste in Maart 2025 en is onderhewig aan wisselkoers-veranderings.
- Visums om Turkye te besoek sal kosteloos vir alle toerlede uitgereik word.
- Die bybetaling vir diegene wat 'n enkelkamer verlang beloop R13 400.
- Billike en omvattende groeps-reisversekering van **TIC Europ Assistance** is beskikbaar vir alle toerlede onder die ouderdom van 76 jaar teen **R490** vir die veertien dae (vir diegene bo 75 jaar is daar 'n bybetaling).
- Ten minste 32 passasiers moet deurgaans saamreis.
- 'n Deposito van **R7 000** moet so gou as moontlik vereffen word.
- Die balans van die reisgeld moet **voor 28 Februarie 2026** vereffen word.
- Kredietkaart-betalings word ongelukkig nie aanvaar nie.

#### **HOE OM TE BESPREEK:**

Voltooi die besprekingsvorm en vrywaringvorm en e-pos dit aan [info@vandyktours.co.za](mailto:info@vandyktours.co.za).

Deposito's moet inbetaal word op (of oorgeplaas word na) die volgende rekening by

Nedbank: 119 1533 964

Tak: George

Takkode: 198 765

Rekeninghouer: *Van Dyk Travel*

Tipe rekening: Besigheids

Verwysing: TURKYE/ en u van

Kontak die toerleier, **Renhard van Dyk**, vir enige verdere navrae:

Tel nr: 082 767 8400

Faks nr: 086 733 8987

E-pos: [info@vandyktours.co.za](mailto:info@vandyktours.co.za)

